



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ  
ՆԱԽԱՐԱՐ**

**Հ Ր Ա Մ Ա Ն**

« 04 » ... 2017թ.


N 46-Ն/1

**«ԱՌԱՎՈՏ» ԲԱՐԵԳՈՐԾԱԿԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ  
ՍՈՑԻԱԼԱԿԱՆ ԾԱՌԱՅՈՒԹՅՈՒՆՆԵՐ ՏՐԱՄԱԴՐԵԼՈՒ ԳՈՐԾՈՒՆԵՈՒԹՅՈՒՆԸ  
ՀԱՎԱՍՏԱԳՐԵԼՈՒ ՄԱՍԻՆ**

Հիմք ընդունելով Հայաստանի Հանրապետության կառավարության 2002 թվականի նոյեմբերի 14-ի N 1821-Ն որոշմամբ հաստատված Հայաստանի Հանրապետության աշխատանքի և սոցիալական հարցերի նախարարության կանոնադրության հավելվածի 12-րդ կետի «դ» ենթակետի, Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 22-րդ կետի պահանջները, ինչպես նաև Հայաստանի Հանրապետության աշխատանքի և սոցիալական հարցերի նախարարի 2017 թվականի փետրվարի 16-ի N 30-Ա/1 հրամանի համաձայն ստեղծված հանձնաժողովի կողմից 2017թ. նոյեմբերի 23-ին տրամադրված՝ «Առավոտ» բարեգործական հասարակական կազմակերպության կողմից 2017 թվականի մայիսի 5-ին Հայաստանի Հանրապետության աշխատանքի և սոցիալական հարցերի նախարարություն ներկայացված՝ Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 3-րդ բաժնով նախատեսված հայտին կից փաստաթղթերի ուսումնասիրության վերաբերյալ եզրակացությունը.

## Հ Ր Ա Մ Ա Յ ՈՒ Մ Ե Մ՝

1. Հավաստագրել «Առավոտ» բարեգործական հասարակական կազմակերպության (այսուհետ՝ կազմակերպություն) սոցիալական ծառայություններ տրամադրելու գործունեությունը՝ համաձայն Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 4-րդ կետի 2-րդ ենթակետի «ա» պարբերության՝ երեխաների խնամքը տնային պայմաններում և «ե» պարբերության՝ երեխաների խնամքը սոցիալական հոգածության ցերեկային կենտրոնում:
2. Մերժել «Առավոտ» բարեգործական հասարակական կազմակերպության (այսուհետ՝ կազմակերպություն) սոցիալական ծառայություններ տրամադրելու գործունեությունը՝ համաձայն Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 4-րդ կետի 1-ին ենթակետի «ա» պարբերության՝ տարեց և (կամ) 18 տարին լրացած հաշմանդամություն ունեցող անձանց խնամքը տնային պայմաններում:
3. Հանձնաժողովին՝ ապահովել սույն հրամանը եռօրյա ժամկետում կազմակերպությանը առձեռն հանձնելը կամ փոստային կապի միջոցով կազմակերպության տրամադրած հասցեով ուղարկելը:



Ա. ԱՍԱՏՐՅԱՆ

## Ե Ձ Ր Ա Կ Ա Ց Ո Ւ Թ Յ Ո Ւ Ն

«Առավոտ» բարեգործական հասարակական կազմակերպության սոցիալական ծառայություններ տրամադրելու գործունեությունը տարեց և (կամ) 18 տարին լրացած հաշմանդամություն ունեցող անձանց խնամքը տնային պայմաններում, երեխաների լսամաքը տնային պայմաններում և երեխաների խնամքը սոցիալական հոգաձության ցերեկային կենտրոններում հավաստագրելու վերաբերյալ

(ք.Վանաձոր, Թատերական 8)

ք. Երևան

«23» նոյեմբերի 2017 թ.

Ուսումնասիրելով «Առավոտ» բարեգործական հասարակական կազմակերպության (այսուհետ՝ Հայտատու) կողմից 2017 թվականի մայիսի 5-ին ՀՀ աշխատանքի և սոցիալական հարցերի նախարարությանը ներկայացված՝ ՀՀ կառավարության 2015 թվականի սեպտեմբերի 10-ի «Սոցիալական ծառայություններ տրամադրելու գործունեության հավաստագրման դեպքերը և կարգը հաստատելու մասին» թիվ 1078-Ն որոշման (այսուհետ՝ Որոշում) հավելվածի 3-րդ բաժնով նախատեսված հայտը և կից փաստաթղթերը.

### Հ Ա Ն Ձ Ն Ա Ք Ո Ղ Ո Վ Ը Պ Ա Ր Ձ Ե Ց

- 1) 2017 թվականի մայիսի 5-ին Հայտատուի կողմից ՀՀ աշխատանքի և սոցիալական հարցերի նախարարություն է ներկայացվել հայտ՝ տարեց և (կամ) 18 տարին լրացած հաշմանդամություն ունեցող անձանց խնամքը տնային պայմաններում, երեխաների խնամքը տնային պայմաններում և երեխաների հոգաձության ցերեկային կենտրոնի գործունեության հավաստագրման համար:
- 2) Հայտին կից ներկայացվել են՝ ՀՀ կառավարության 2015 թվականի սեպտեմբերի 10-ի «Սոցիալական ծառայություններ տրամադրելու գործունեության

հավաստագրման դեպքերը և կարգը հաստատելու մասին» թիվ 1078-Ն որոշման (այսուհետ՝ Որոշում) հավելվածի 3-րդ բաժնով նախատեսված հայտը և կից փաստաթղթերը:

2017 թվականի սեպտեմբերի 6-ին հանձնաժողովի կողմից հրավիրվել է նիստ, որտեղ հանձնաժողովի կողմից ուսումնասիրվել են հայտատուի կողմից ներկայացված հայտը, դրան կից փաստաթղթերը, ինչպես նաև քննարկվել է Հայտատուին սոցիալական ծառայություններ տրամադրելու գործունեության հավաստագրման հարցը, որի արդյունքում Հանձնաժողովի կողմից կազմվել է արձանագրություն և եզրակացություն:

«Կառավարության 2015 թվականի սեպտեմբերի 10-ի «Սոցիալական ծառայություններ տրամադրելու գործունեության հավաստագրման դեպքերը և կարգը հաստատելու մասին» թիվ 1078-Ն որոշման հավելվածով հաստատվել է սոցիալական ծառայություններ տրամադրելու գործունեության հավաստագրման դեպքերը և կարգը, որով սահմանվում են սոցիալական ծառայություններ տրամադրելու գործունեության հավաստագրման դեպքերը, հավաստագրման համար պահանջվող փաստաթղթերը և պայմանները, կարգավորվում են սոցիալական ծառայություններ տրամադրելու գործունեության հավաստագրման և սոցիալական ծառայություններ տրամադրելու գործունեության հավաստագրի տրամադրման հետ կապված այլ հարաբերություններ:

Որոշման հավելվածի 6-րդ կետով սահմանվում է, որ սոցիալական ծառայություններ տրամադրելու գործունեության հավաստագրման համար կազմակերպությունը լիազորված մարմին է ներկայացնում հայտ և սույն կարգի 8-րդ կետում նշված փաստաթղթերը:

Որոշման 4-րդ բաժնով սոցիալական ծառայություններ տրամադրելու գործունեության հավաստագրման համար նախատեսված, ի թիվս այլ պարտադիր պայմանների, նույն բաժնի 13-րդ կետով սահմանվում է, որ հավաստագրվում են այն կազմակերպությունները, որոնք ապահովում են տվյալ սոցիալական ծառայություն տրամադրելու գործունեության համար անհրաժեշտ՝ Հայաստանի Հանրապետության օրենսդրությամբ սահմանված պահանջները բավարարող կոմունալ, սանիտարահիգիենիկ և հակահրդեհային անվտանգության անհրաժեշտ պայմանները, տվյալ սոցիալական ծառայություն տրամադրելու համար նախատեսված տարածքի

ընդհանուր և բնակելի մակերեսին, անձնակազմին (աշխատողների թվին և հաստիքներին), նրանց աշխատանքային պայմաններին, միաժամանակյա խնամք ստացողների (բնակվողների) առավելագույն թվին, նրանց տրամադրվող սենդի չափաքանակին, դրա էներգետիկ արժեքին, հագուստի, սպիտակեղենի, կոշիկեղենի, անկողնային և անձնական հիգիենայի պարագաների չափորոշիչներին, անվտանգության ապահովմանը և այլ պայմաններին ներկայացվող պահանջները:

Որոշման հավելվածի 25-րդ կետի 2-րդ ենթակետի համաձայն՝ հայտին կից ներկայացվել են սույն կարգով պահանջվող անհրաժեշտ բոլոր փաստաթղթերը.

Ելնելով վերոշարադրյալից, հիմք ընդունելով գործող օրենսդրության պահանջները և հաշվի առնելով այն, որ Հայտատուի կողմից հայտին կից՝ որոշմամբ պահանջվող բոլոր փաստաթղթերը ներկայացվել են, ինչը Որոշմամբ սահմանված իրավակարգավորումների շրջանակներում հիմք է հանդիսանում Հայտատուի կողմից նախարարություն ներկայացված սոցիալական ծառայություններ տրամադրելու գործունեությունը հավաստագրելու համար և ղեկավարվելով Որոշման 21-րդ կետի պահանջներով.


### ՀԱՆՁՆԱԺՈՂՈՎԸ ԵՋՐԱԿԱՑՐԵՑ՝

1.«Առավոտ» բարեգործական հասարակական կազմակերպության կողմից Հայաստանի Հանրապետության աշխատանքի և սոցիալական հարցերի նախարարություն ներկայացված հայտով՝ սոցիալական ծառայություններ տրամադրելու գործունեությունը՝ երեխաների խնամքը տնային պայմաններում և երեխաների խնամքը սոցիալական հոգաձության ցերեկային կենտրոնում, ենթակա է հավաստագրման:

2.«Առավոտ» բարեգործական հասարակական կազմակերպության կողմից Հայաստանի Հանրապետության աշխատանքի և սոցիալական հարցերի նախարարություն ներկայացված հայտով՝ սոցիալական ծառայություններ տրամադրելու գործունեությունը՝ տարեց և (կամ) 18 տարին լրացած հաշմանդամություն ունեցող անձանց խնամքը տնային պայմաններում, ենթակա է մերժման:


Սույն եզրակացությունը վերոնշյալ որոշմամբ սահմանված ժամկետում տրամադրել ՀՀ աշխատանքի և սոցիալական հարցերի նախարարին:

Հանձնաժողովի նախագահ՝




Թ. Ավետիսյան

Հանձնաժողովի քարտուղար՝



Կ. Խաչատրյան

Հանձնաժողովի անդամներ՝



Ա. Կեոյան



Ա. Պետրոսյան



Ա. Մինասյան